

Ilanngussaq 2

Sulisilluni ajoqusersinnaanermut Kalaallit Nunaanni isumannaarineq pillugu inatsisip allanngortinneqarnissaa pillugu inatsisissatut siunnersuut

§ 1

Sulisilluni ajoqusersinnaanermut Kalaallit Nunaanni isumannaarineq pillugu inatsimmi, tak. inatsit nr. 1528, 21. december 2010-meersumi makkua allanngortinneqassapput:

1. § 14, imm. 1 aamma 2 imaattunik oqaasertaqassaaq:

§ 14. Ajoqusersimasut § 47 tunngavigalugu suliap sularineqarnerani imaluunniit suliap suliareqqilerneqarnerani katsorsarneqarnermi aamma sungiusaqqinneqarnermi aningaasartuutigisanut taarsiiffigineqarsinnaapput, sulisilluni ajoqusernerup kingunerisaasa pitsaanerpaamik katsorsarneqarnissaat anguniarlugu katsorsarneqarnissaaq imaluunniit sungiusaqqinneqarnissaaq pisariaqartinneqarpat. Inunnut Kalaallit Nunaanni napparsimanermut isumannaarneqarsimannngitsunut taarsiissutit annertunerusutigut tunniunneqarsinnaanngillat inunnut Kalaallit Nunaanni napparsimanermut isumannaarneqarsimasunut taarsiissuteqartarnermut naleqqiullugu. Sungiusaqqinneqarneq pissaq katsorsarneqareernerup kingornatigut sularineqaqqinnertut katsorsarneqarnermut siullertut nakorsanit nakkutigineqartumik.

Imm. 2. Ajoqusersimasut makkuninnga pissarsinermi aningaasartuutitut taarsiiffigineqarsinnaapput issiaviit kaamisartakkat, kigutaasat, isarussat allallu inuup iluaqutigisartagai katsorsarneqarnerup imaluunniit sungiusarneqarnerup inerneqarnissaata qularnaarneqarnissaa pisariaqarpat, sulisilluni ajoqusernerup kingunerisai annikillisequllugit imaluunniit inuussutissarsiorsinnaassutsip annaaneqarnerata aamma piuartumik ajoqusersimanerup annertussusiata sukumiinerusumik suussusersineqarnissaa pillugu, aamma peqqinnissaqarnermut sullissinerit imaluunniit isumaginninnermi sullissinerit pillugit malittarisassat atuuttut tunngavigalugit aningaasartuutit pisortanit akilerneqarsinnaanngippata.

2. § 14, imm. 5-mi oqaaseqatigiit “*aamma angalanermut najugaqarnermullu aningaasartuutit*” imaalillugit allanngortinneqarput: “*aamma taarsiissuteqarnermut aningaasartuutitut allanut, tak. § 10, nr. 2), 3) aamma 4)*”

3. § 17, oqaaseqatigiit aappaat imaattunik oqaasertaqassaaq:

“Ajoqusersimasooq inuussutissarsiorsinnaajunnaanermut taarsiiffigineqarpat, tak. § 21, ullormusiaqarsinnaatitaaneq taamaatissaaq, taamaattorli kingusinnerpaamik ulloq taarsiiffigineqarfigisaaq aallarnerfigalugu”.

4. § 43, imm. 2, oqaaseqatigiinni siullerni “imaluunniit Ankestyrelsen” “Arbejdsskadestyrelsenip” kingornani ikkunneqassaaq.

5. § 43, imm. 3 imaattunik oqaasertaqassaaq:

“*Imm. 3.* Arbejdsskade styrelsen misissuinerne kunders og brugeres klager og henvendelser til Arbejdsskade Styrelsen angående arbejdsskade og arbejdsskade erstatning, herunder om arbejdsskade og arbejdsskade erstatning, herunder om arbejdsskade og arbejdsskade erstatning.”

6. § 49, imm. 2 imaattunik oqaasertaqassaaq:

Imm. 2. Imm. 1 tunngavigalugu naammagittaalliut tunniunneqassaaq aalajangiinerup naammagittaalliortumit tiguneqareernerata kingornatigut sapaatit akunneri sisamat qaangiutsinnagit. Ajoqusersimasut qimatalluunniit Europap avataani najugaqartut eqqarsaatigalugit qaammatit pingasut matumani piffissarititaapput.

7. § 49, imm. 8 imaattunik oqaasertaqassaaq:

Arbejdsskade styrelsen pisortaa Kalaallit Nunaanni Namminersorlutik Oqartussanik isumaqatigiinniareernerne kingornatigut inatsit una tunngavigalugu aalajangiinerit pillugit naammagittaalliutinik suliarinnittarnerne malittarisassanik aalajangersaassaaq.

8. § 64, imm. 1-imi naggatip siulliup kingornatigut una ikkunneqassaaq:

Tamatumani aamma Naalagaaffik, Kalaallit Nunaanni Namminersorlutik Oqartussat aamma kommunit pineqarput imminut sillimmasernissamut qanoq annertutigisumik atuinerat apeqqutaatillugu, tak. inatsimmi § 52, imm. 5.

§ 2

Imm. 1. Inatsit 1. januar 2016 aallarnerfigalugu atuutsilersinneqarpoq, aalajangiinerne ullormi atuutsilersifimmi tamatumaluunniit kingornatigut sunniuteqartinneqassalluni.

Oqaaseqaatit nalinginnaasut

1. Aallaqqaasiut

Inatsisikkut nr. 1528-kkut, 21. december 2010-meersukkut sulisilluni ajoqusersinnaanermut Kalaallit Nunaanni isumannaarineq pillugu inatsiserpiaq atuutilersinneqarpoq siusinnerusukkat aaqqissuussamut, peqqussuteqarnikkut danskit ajoqusersinnaanermut inatsisaata atuutsilersinneqarneranut pilersitsissutigineqarsimasumut taarsiinertut. Inatsit ukiuni sisamani maanna atuussimalerpoq inatsimillu aqutsinermi misilittagaqartoqareerluni. Inatsisip kalaallit inuiaqatigiit akornanni atuulluarsimaneranik takussutissaqarpoq. Taamaattorli inatsimmi annikitsutigut iluarsiinissaq pisariaqarsimavoq sulisilluni ajoqusersinnaaneq pillugu aaqqissuussap kalaallit inuiaqatigiivini annertunerusumik akuutinneqalernissaanik qulakkeerisussanik.

Inatsit Nuummi immikkoortortaqarfik Center for Arbejdsskader aqutugalugu Arbejdsskadestyrelsimit allaffissornikkut aqunneqarpoq. Immikkoortortaqarfimmi inuit kalaallisut, danskisut aamma tuluttut oqalussinnaasunik allassinnaasunillu sulisoqarpoq, taamaattumillu Kalaallit Nunaanni oqaatsinik politikkeqarneq pillugu inatsimmi piumasaqaatinik eqqortitsisuusinnaasimalluni.

Inatsisip nutaap atuutsinneqalernerata peqatigisaanik Center for Arbejdsskader Arbejdsskadestyrelsimi immikkoortortatut akuerineqarpoq. Taamaalilluni Center for Arbejdsskaderip sulianik suliarinnittarnermut aaqqissuussaanut atuinissamut aamma sulianik suliarinnittarnermut ikorfartuutaasunut sulisunillu ilinniartitseqqittarnermut, Arbejdsskadestyrelsimi immikkoortortani tamani periarfissaqartitsisunut, aamma periarfissaqalerpoq. Tamanna Kalaallit Nunaanni sulisilluni ajoqusersinnaanermut tunngasunik aqutsinermut annertuumik nukittorsaataavoq, tamatumalu aamma malitsigisaanik sulianik suliarinnittarnermi piffissat atorneqartartut annikilliserujussuarneqarput aamma sullissisarneq Center for Arbejdsskaderip aaqqissuussamik atuisunut maanna atortagaa annertuumik pitsanngoriaateqartillugu.

2. Inatsisissatut siunnersuummut tunuliaqut siunertarlu.

Siunnersuut misilittakkanik Arbejdsskadestyrelsip Center for Arbejdsskader aqutugalugu inatsimmik aqutsinermigut pissarsiarisaanik tunngaveqarpoq.

Allannguutissatut siunnersuutigineqartuni sulisilluni ajoqusersinnaanermut tunngasunut aaqqissuussap Kalaallit Nunaanni inuiaqatigiinnut annertunerusumik naleqqussarneqarnissaa siunertarineqarpoq. Taamaalilluni inatsimmik piareersaalluni suliaqarnermi oqaatigineqartutut piumasaqaataavoq inatsimmik pisariaqarneratigut iluarsiiarnissaq, Kalaallit Nunaanni sulisilluni ajoqusersinnaanermut tunngasunut aaqqissuussap pitsaanerusumik akuutinneqalernissaa anguniarlugu pisariaqartinneqalerpat.

3. Inatsisissatut siunnersuutip pingaarnerusutigut imarisai

Inatsisissatut siunnersuut pingaarnerusunik imaattunik imaqarpoq:

1. Katsorsarneqarnermut sungiusaqqinneqarnermullu aningaasartuutitut taarsiissutit (malittarisassat qanoq annertutigineranik erseqqissaaneq)

2. Nakorsanit misissorneqarnermut il.il. atatillugu ajoqusersimasut angalanissaannut najugaqarnissaannullu angalatitseqatigiit namminersortut aaqqissuussisinnaapput.
3. Ajoqusersimasunut taakkualu qimataannut naammagittaalliornissamut piffissarititaasoq sapaatit akunnerinik sisamanit sapaatit akunnerinut arfinilinnut allanngortinneqassaaq
4. Naalagaaffik, Namminersorlutik Oqartussat aamma kommunit nammineq aningaasarsiorneq eqqarsaatigalugu sillimmasiisimangitsut namminneq suliassaaticimik suliarineqarnerat akilissavaat

Tamatuma saniatigut annikitsutigut pingaarnerusutigullu oqaatsitigut iluarsinerit arlallit aamma inatsimmik erseqqissaanerit siunnersuutigineqarput.

3.1 Katsorsartinnernut sungiusaqqinneqarnernullu aningaasartuutitut taarsiissutit

3.1.1 Inatsit atuuttoq

Inatsimmi § 14 napparsimasunik suliarinninnernut, sungiusaanernut aamma iluaqutissatut atortunut, ajunnginnerpaamik ajorunnaarsitsinissap suliap ajoqusersimanermut tunngasup suliarineqarnerani isumannaarneqarnissaanut pisariaqartinneqartunut aningaasartuutitut taarsiiffigineqarnissamut pisinnaatitsivoq peqqinnissaqarfimmi sullissinerit akiliinertaqanngitsumik isumagineqanngippata imaluunniit aningasartuutit isumaginninnikkut tunniunneqartartut pillugit malitarisassat atuuttut tunngavigalugit matussuserneqanngippata. Kalaallit Nunaanni pisortat peqqinnissaqarfiutaat tassaavoq katsorsaanikkut katsorsaatitigullu innuttaasunik isumaginnittussaataasoq, matumani inuit sulisillutik ajoqusersimasut ilanngullugit eqqarsaatigalugit. Inatsimmi § 14-imi malittarisassami siunertaavoq ajoqusersimasunut aningaasartuutit, pisortat peqqinnissaqarfiutaani nammineq akiliuteqarnissaq pillugu malittarisassat pissutigalugit pinngortunik, kisimi pinngitsoortitsinissaq. Tunngavik taanna sulisilluni ajoqusersinnaanermut isumannaarineq pillugu Danmarkimi inatsimmi atuuttoq tunngavigalugu aamma atuuppoq. Sulisilluni ajoqusersinnaanermut isumannaarineq inunnut katsorsarneqarnissamut isumannaarneqarsimangitsunut peqqinnissaqarfisigut sillimmateqarnermi qinigassatut allatut Danmarkimi Kalaallillu Nunaanni atuutinngilaq.

3.1.2. Suliffeqarnermut ministeriap isumaliutersuutai

§ 14, imm. 1-imi pisariaqartinneqarpoq napparsimasutut suliaritinnernut, katsorsarneqarnermut aamma sungiusaqqinneqarnermut aningaasartuutitut ajoqusersimasup nammineq akiligassaanut aningaasartuutitut taarsiissuteqartarnermik Arbejdsskadesikringip kisimi tunniussisarnerata erseqqissaatigineqarnissaa, pisortat peqqinnissaqarfiutaani katsorsarneqarnerit il.il. akeqartinneqarnerat pissutigalugu. Taamatut siunnersuuteqarnermi naqissuserneqarpoq arbejdsskadesikringip inunnut Kalaallit Nunaanni peqqinnissaqarneq pillugu inatsit tunngavigalugu isumannaarneqarsimangitsunut katsorsaanernut peqqissaanernullu allanut akiliuteqarnissaq pisussaaffiginngikkaa, tassalu inunnut Kalaallit Nunaanni peqqinnissaqarnermut aaqqissuussami isumannaarneqarsimasunut naleqqiullugu annertutiginnngitsumik. Taamatut erseqqissaanerup paasinerluinerit sulisussat nunanit allaneersut, piffissami sivikitsumi Kalaallit Nunaanni sulisussat aamma Kalaallit Nunaanni peqqinnissaqarnermi isumannaarneqarnissamut piumasaqaaticimik eqqortitsinngitsut, pingaartumik eqqarsaatigalugit piulersartut pinngitsoortissavai.

Kalaallit Nunaanni peqqinnissaqarnermi aaqqissuussap iluani pineqartut isumannaarneqarsinnaannginnerattut pisumi katsorsaaneramik sullissinernut ajoqusersimasut pisariaqartitaannut arbedsskadesikringip akiliisariaqarneranik kinguneqartinneqartariaqanngillat.

3.1.3. Inatsisissatut siunnersuummi pineqartut

Taamaattumik § 14, imm. 1 oqaaseqatigiit siulliit aappaallu imaalillugit iluarsivigineqassasut siunnersuutigineqarpoq arbedsskadesikringi katsorsaanisamat neqerooruteqartarnissamat imaluunniit napparsimasunik pisariaqarneratigut katsorsaaneranut pisussaataitaannginnissaa nalorninaatsunngortinneqassasoq, kisiannili ima annertutigisunik taarsiissuteqartoqassasoq ajoqusersimasup Kalaallit Nunaanni peqqinnissakkut isumannaarneqarsimasup pisinnaatitaaffiata nalinganik. Tamatumunnga peqatigitillugu inatsimmi § 47-mi innersuussut, taarsiiffigineqarsinnaatitaanerup § 47 naapertorlugu suliareqqilerneqarpat aamma atuunnissaanik erseqqissaataasoq ilanngunneqassaaq. Siunnersuummi aalajangersimasumik allannguuteqartitsinissaq siunertarineqanngilaq, taamaallaalli malittarisassanik periaatsinillu atuuttunik erseqqissaaneq pineqarluni. § 14, imm. 1, oqaaseqatigiit pingajuat allanngortinneqanngilaq.

Siunnersuut § 1, nr. 1-imit atuutinneqassaaq.

3.2. Angalatitseqatigiit namminersortut nakorsanit misissortinnermut atatillugu angalanernik najugaqarnernillu aaqqissuussisinnaapput.

3.2.1. Inatsit atuuttoq

Kalaallit Nunaanni Sulisilluni ajoqusersinnaanermut isumannaarineq Nuummi Center for Arbejdsskaderimit allaffissornikkut aqunneqarpoq, ilaatigut ajoqusersimasunik Kalaallit Nunaanni nunanilu allani misissorneqarnerat, katsorsarneqarnerat nakorsiartarfinnilu sungiusaqinneqarnerat isumagissallugu. Center for Arbejdsskader angalanernik najugaqarnernillu isumaginnittuusarsimagaluarpoq. Sillimmasiisarfittut ingerlatseqatigiit aamma Arbejdsmarkedets Erhvervssygdomssikring tassaapput angalanernut najugaqarnernullu akiliisartut, tak. inatsimmi § 43, imm. 2. Matumani allaffissornikkut aqutsineramik suliaqarneq suliani ataasiakkaani annertuujusinnaasuni pineqarpoq. Center for Arbejdsskader danskit nakorsaannik ajoqusersimasunik pinerni ataasiakkaani arlariiaanik misissuisarneq pillugu Kalaallit Nunaannut angalasartunik suleqateqarnermik aaqqissuussivoq. Nakorsap tikinnissaa sioqqullugu ajoqusersimasut Center for Arbejdsskaderimit ikiorneqarlutik najugaqarfissaminnut namminneq najugaqarfimmi qanitaaniittunut aamma ajoqusersimasunik misissorneqartarfiannut aallareersimassapput. Taamatut suleriaaseqarnermi ajoqusersimasut misissorneqarnissaat pillugu Nuummut Københavnimulluunniit ataasiakkaarlugit ingerlanneqartarnissaat pisariaqanngilaq, tamannalu ajoqusersimasunut annertuumik iluaqutissaavoq. Tamatumunngalu peqatigitillugu angalanernut najugaqarnernullu aningaasartuutit, sillimmasiisarfiit aamma Arbejdsmarkedets Erhvervssygdomssikringip angalanernut najugaqarnernullu akilertagaat ikilisinneqarput.

3.2.2. Suliffeqarnermut ministeriap isumaliutersuutai

Kalaallit Nunaanni nunamut aamma attaveqaatinut pissutsit Danmarkimi pissutsinit allaanerujussuupput, taamatullu angalatitaanermut aningaasartuutit annertusinnaallutik,

minnerunngitsumik nakorsanit misissorneqarneq katsorsarneqarnerluunniit Danmarkimi pissappata.

Taamaattumik misissortinnermut katsorsarnermullu atatillugu, soorlu aamma Danmarkimi taamaattoq, napparsimasut assartuinnermut najugaqarnermullu taakkunungalu aningaasartuutitut akiliinnermik namminneq isumaginnittalissappata tamanna tulluannilaq. Tamanna Center for Arbejdsskaderip angalanernik najugaqarnernullu isumaginnittalerneranik kinguneqartitsivoq. Nukiit pitsaanerpaamik atorneqarnissaannik ilungersuuteqarnermut ataneqartumik Center for Arbejdsskadesikringip nakorsat tikisinneqartarneranni Kalaallit Nunaanni eqimattakkaanik misissuisarnermik periaaseq qulaani nassuiaatigineqartoq ilanngutitippaa, tassalu ajoqusersimasut pisariaqanngitsumik pisarissersuutaassanani, taamatullu sillimmasiisarnermik ingerlatseqatigiinnut aamma Arbejdsmarkedets Erhvervssygdomsikringimut angalatitsinernut najugaqarnernullu aningaasartuutinik sipaaruteqartitsissalluni.

Center for Arbejdsskaderimili nukissanik annertuunik pisariaqartitsisoqassaaq angalatitsinernik najugaqarnernullu aaqqissuinnermut.

Center for Arbejdsskader nukissanik angalatitsinernik najugaqarnernullu aaqqissuussinnermut ataneqartumik kiisalu ajoqusersimasut angalanernut najugaqarnernullu atatillugu ikorfartorneqarnissaannut aallerfiginissaanik sipaaruteqartinniarlugu Suliffeqarnermut Ministeria isumaqarpoq naleqquttusoq Center for Arbejdsskaderip suliasamik taassuminnga angalatitseqatigiit namminersortut avataaneersut akiliuteqarnikkut isumagititsinissaanut inatsisitigut tunngavigisassamik atuutsitsisoqarpat. Siunnersuut, nakorsanit tikisinneqartartunit ikiorneqarnikkut Kalaallit Nunaanni misissuisarnermi ilioriaatsinut qulaani nassuiaatigineqartunut ataneqartumik, tamatuma sulisitsisunut aningaasartuutaanerulissanngitsoq naatsorsuutigineqarpoq.

Angalanerup inniminneriikkap silap qanoq innera pissutigalugu allatulluunniit pissuteqartumik aamma annaasaqaatiginagu taamaatinneqarsinnaanngitsoq ingerlanneqarsinnaannginneranik piusinnaasoq naatsorsuutigineqartariaqarpoq. Angalanermit akiligassiissut sillimmasiisarfiimmit suliamik ingerlatsisuusussamit imaluunniit inuussutissarsiteqarneq pissutigalugu napparsimaneerit pillugit suliat pineqartillugit Arbejdsmarkedets Erhvervssygdomsikringimit akilerneqassaaq. Taamaattoqaratarsinnaanera annikitsutut nalilerneqartartoq sillimmasiinnermut akiliutinut aamma tapinut ilanngunneqarsinnaavoq.

3.2.3. Inatsisissatut siunnersuummi pineqartut

Center for Arbejdsskaderip angalatitseqatigiiffiit namminersortut avataaneersut angalanernik najugaqarnernullu faktura malillugu akilerneqartut angalanernut najugaqarnermullu isumaginnituutinnissaanut inatsisitigut tunngavigisassamik atuutsitsisoqassaaq. Malittarisassaq § 43, imm. 3-mi ikkunneqassaaq nutaanik oqaasertaliinikkut. Sillimmasiisarfiit/Arbejdsmarkedets Erhvervssygdomsikring aningaasartuutitut ulloq manna tikillugu akiliisarput. § 43, imm. 1, 4 aamma 5 allanngortinneqanngillat. § 43, imm. 2 imaalillugu allanngortinneqarnissaa siunnersuutigineqarpoq, tassalu Ankestyrelsimit qinnuteqarnikkut nakorsanit misissorneqarnissamut il.il. innersuussineq, inatsimmi atuuttumik § 43, imm. 3-mi

nassaassaasoq imm. 2-mut nuunneqassaaq, taamaaliornikkut aalajangersimasumik allanngortitsinissaq siunertaatinnagu.

Siunnersuut § 1, nr. 5-imi atuuffeqassaaq.

3.3. Naammagittaalliuuteqarnissamut piffissarititaasup allanngortinnera

3.3.1. Inatsit atuuttoq

Inatsit atuuttoq tunngavigalugu naammagittaalliuuteqarnissamut piffissarititaasooq sapaatit akunnerinik sisamanik sivilissuseqarpoq sillimmasiisarfinnut, Arbejdsmarkedets Erhvervssygdomssikringimut aamma sulisitsisumut, ajoqusersimasunullu taakkualu qimataanut sapaatit akunneri arfinillit, taamaattorli ajoqusersimasunut taakkualu qimataanut Europap avataani najugaqartunut qaammatit pingasuullutik. Ajoqusersimasunut taakkualu qimataanut naammagittaalliuuteqarnissamut piffissarititaasooq sivilissuseqarpoq sapaatit akunnerinik arfinilinnik sivilissuseqartoq Kalaallit Nunaanni inuiaqatigiit akornanni qangaanerusooq attaveqatigiittarnermik atortunik amigaateqarsimaqisunik oqaluttuarisaanikkut pissuteqarpoq.

3.3.2 Suliffeqarnermut ministereqarfiup isumaliutersuutai

Ajoquseritut ullumikkullu inuiaqatigiinni kalaallini qimataasut sapaatit akunnerit 6 ingerlaneranni naammagittaallornissamut killeqartitaanerat maannamiit pisariaaruppoq. Imaappooq naammagittaallornissamut killigititaq illuatungeriinnut tamanut sapaatit akunnerinik 4-nik sivilissuseqalersinneqarpat naammagittaalluutit suliarineqartarnerat pisariinnerulissaaq, soorlutaaq Danmarkimi taamaattoq. Taamaattumik suliffeqarnermut ministereqarfik isumaqarpoq naammagittaallornissamut killiussaq illuangeriinnut tamanut sapaatit akunnerinut 4-nut killiliineq pissusissamisoortoq eqqarsarnartortaqaangitsorlu.

3.3.3 Inatsisissatut siunnersuutip imaa

Naammagittaallornissamut killigititaq illuatungeriinnut tamanut sapaatit akunnerinut 4-nut allanngortinneqassaaq. Taamaattorli ajoquseritumut qimataasunullu Europap avataaniittunut naammagittaallornissamut qaammatinik 3-nik killeqartitsineq attatiinnerneqassaaq. Siunnersuut § 1, nr. 6-kkut atuutilersinneqassaaq.

3.4 Suliamik suliarinninnermut Naalagaaffik, Namminersorlutik Oqartussat kommunillu imminnut sillimmasersimasut akiliissapput

3.4.1. Inatsit atuuttoq

Inatsimmi tunngaviumik periaasiuvoq sillimmasiisarfii il.il. taarsiissutissanut akiliisussaatitaasut sulianut sillimmasiisarfii akiligassaannut Arbejdsskade styrelsen Ankestyrelsen sulianik suliarinninneranut aamma akiliisarlutik. Akiliisussaatitaanermik malittarisassaq inatsimmi § 64, imm. 1-imi atuarneqarsinnaavoq. Periaaseq taanna naalagaaffimmut, Namminersorlutik Oqartussanut kommuninullu imminnut sillimmasersimasunut aamma atuuppoq, akiliisussaatitaanerli inatsimmi erseqqissumik allanneqarsimanngilaq. Naalagaaffimmi atorfillit Kalaallit Nunaanni sulisilluni ajoqusersinnaanermut sillimmasiisarneq pillugu inatsit malillugu sillimmaserneqarsimanerannik apeqqut sulisilluni ajoqusersinnaanermut sillimmasiisarneq

pillugu inatsimmi aamma inatsisikkut nr. 1287, 19. december 2012-meersukkut, sulisilluni ajoqusersinnaaneq pillugu inatsimmi § 83, imm. 1-kkut allanngortinneqartukut akissutissaqartinneqarpoq imaalillugu, sulisilluni ajoqusersinnaanermik inatsit malillugu danskit naalagaaffiat sulisuminut tjenestemandiusunut Kalaallit Nunaanni sulisunut aamma naalagaaffiup Kalaallit Nunaanni sulisunut Kalaallit Nunaanni aalakkaasumik najugaqanngitsunut akisussaavoq. Allanguut 1. januar 2013-imiit sunniuteqalerpoq. Illuatunganik naalagaaffiup Kalaallit Nunaanni sulisunut Kalaallit Nunaanni aalaakkaasumik najugalinnut sulisilluni ajoqusersinnaanermut sillimmasiisarneq pillugu inatsit malillugu naalagaaffik akisussaavoq. Namminersorlutik Oqartussat imaluunniit Kalaallit Nunaanni kommunit immiut sillimmasersimanissamik piginnaatitaanertik maannamut atorpaat.

3.4.2 Suliffeqarnermut ministereqarfiup isumaliutersuutai

Sulisilluni ajoqusernerit pillugit Arbejdsskadestyrelsen Ankestyrelsen sulianik suliarinninnerannut sillimmasiisarfiimmit il.il. suliami taarsiisussaataasut pillugit suliamut ataatsimut akiliisoqartarpoq. Tamanna aamma naalagaaffimmut, Namminersorlutik Oqartussanut kommuninullu imminnut sillimmasersimasunut atuuppoq. Suliffeqarnermut ministereqarfik isumaqarpoq akiliisussaataaneq inatsimmi toqqaannartumik allassimasaqariaqartoq. Sulisilluni ajoqusersinnaanermut sillimmasiisarneq pillugu inatsimmi § 83, imm. 1-mi allanguut immikkoortoq 3.4.1.-imi allaaserineqartoq malillugu naalagaaffik taamaallaat akiliisussaataavaq sulianut naalagaaffiup Kalaallit Nunaanni sulisunut Kalaallit Nunaanni aalaakkaasumik najugallit pillugit suliaannut.

3.4.3. Inatsisissatut siunnersuutip imarisai

§ 64, imm. 1-imi oqaasertaliunneqartut imaalillugit allanngortinneqarnissaat siunnersuutigineqarpoq erseqqissumik ersissasoq danskit Naalagaaffiat, Namminersorlutik Oqartussat aamma kommunit nammineq aningaasarsiorneq eqqarsaatigalugu sillimmasiinngitsoornissamik pisinnaatitaaffimminnik atuiniartut Arbejdsskadestyrelsen aamma Ankestyrelsen sulianik imminnut tunngasunik allaffissornikkut aqutsinerannut akiliuteqartassasut.

Siunnersuut § 1, nr. 8-mi atuuffeqartinneqassaaq.

4. Aningaasarsiornikkut allaffissornikkullu kingunerisassat

4.1. Aningaasarsiornikkut allaffissornikkullu pisortanut kingunerisassat

Siunnersuutip Naalagaaffimmut, nunap immikkoortuinut kommuninulluunniit aningaasarsiornikkut allaffissornikkulluunniit kinguneqartinneqarnissaa naatsorsuutigineqanngilaq.

4.2 Namminersorlutik inuussutissarsiortunut aningaasarsiornikkut aamma allaffissornikkut kinguneqataasussat

Siunnersuutip namminersorlutik inuussutissarsiortunut aningaasarsiornikkut allaffissornikkulluunniit kinguneqartinneqarnissaa naatsorsuutigineqanngilaq.

4.3. Innuttaasunut allaffissornikkut kingunissat

Siunnersuutip innuttaasunut allaffissornikkulluunniit kinguneqartinneqarnissaa naatsorsuutigineqanngilaq.

4.4. Avatangiisinut kingunissat

Siunnersuut avatangiisinut kinguneqassasoq naatsorsuutigineqanngilaq.

5. Naalagaaffiup inatsisitigut tapiissuteqartarneranut tunngasortai

Siunnersuut tapiissuteqartaqanngilaq.

6. Naligiissitaanermut kingunissat

Siunnersuut naligiissitaanermut tunngasutigut kinguneqartitsinngilaq.

	Aningaasartuutikiffiit	Aningaasrtuuteqarnerusoqarfiit
Aningaasarsiornikkut Naalagaaffimmut, kommuninut nunallu immikkoortuinut kingunissat	soqanngilaq	
Allaffissornikkut Naalagaaffimmut, kommuninut nunallu immikkoortuinut kingunissat	soqanngilaq	
Aningaasarsiornikkut namminersorlutik inuussutissarsiortunut kingunissat	soqanngilaq	
Allaffissornikkut namminersorlutik inuussutissarsiortunut kingunissat	soqanngilaq	
Allaffissornikkut innuttaasunut kingunissat	soqanngilaq	
Avatangiisinut kingunissat	soqanngilaq	
EU-p inatsisaannut tunngasut	Siunnersuut EU'p inatsisaannut tunngasortaqanngilaq	

Inatsisissatut siunnersuummi aalajangersakkat ataasiakkaat pillugit oqaaseqaatit

§ 1-imut

Nr. 1-imut

§ 14, imm. 1-imi aamma 2-mi oqaasertaliussassatut nutaatut siunnersuutigineqartuni § 14-imi taarsiiffigineqarnissamik piunasaqaat ajoqusersimasumit atuutsinneqarsinnaasup erseqqissarneqarnissaa siunertaavoq, sullissinermik tunniussinertuunngitsoq sulisilluni ajoqusersinnaanermut isumannaariffimmit neqeroorutigineqartutut peqqinnissaqarfimmit inunnut Kalaallit Nunaanni pisortat napparsimasunut isumannaarisarnerannit sullinneqarnissamik pisinnaatitaanngitsunut qinigassatut allatut.

Malittarisassat periaatsillu massakut atuuttut eqqarsaatigalugit aalajangersimasumik allanngortitsinissaq siunertaanngilaq, taamaallaalli inatsiseqartitsinikkut inissisimanermik erseqqissaanertut sullissinerup pineqartup qanoq ittuussusia pillugu paatsoortoqannginnissaa siunertaavoq. Center for Arbejdsskader aningaasat taarsiissutissatut sullissisumut toqaannartumik ullumikkutut tunniussinavaai, ajoqusersimasup tamanna piunappagu. Nalinginnaasumik oqaaseqaatini immikkoortoq 3.1 ilaatigut innersuussutigineqarpoq.

Nr. 2-mut

§ 14, imm. 5-imi oqaasertaliussassat allannguutissaattut siunnersuummi erseqqissaatigineqarpoq napparsimasut ullormusiaannut, ataavartussamik ajoquteqalernernut aamma inuussutissarsiorsinnaajunnaanermut, tak. § 10, nr. 2), 3) aamma 4), aningaasartuutunik sipaarutissatut naatsorsuussat Kalaallit Nunaanni Danmarkimiluunniit katsorsaanernut aamma napparsimmavinni namminersortuni sungiusaqqinneqarnernut akilerneqarsinnaanerisa naliliiffigineqarneranut ilaatinneqarsinnaanerit. Tamanna maanna atuuppoq, taamaattumillu periaatsinik atuuttunik inatsiseqartitsinikkut malittarisassanik ataatsimoortitsilluni.

Napparsimasut ullormusiaasa aningaasartaannik sipaarut napparsimasumik katsorsaanerup aamma sungiusaaqqiinerup sivikillinerisigut anguneqarsinnaasooq sulii pingaarnerusuuvoq oqimaalutaanermut annertunerpaamik sunniuteqartussa, kisiannili kingusinaartumik katsorsaanerup sungiusaaqqiinerullu ataavartussamik ajoquteqalernermik aamma/imaluunniit inuussutissarsiorsinnaajunnaanermik sillimmasiinermik ingerlatseqatigiiffiup/Arbejdsmarkedets Erhvervssygdsmssikringip imaluunniit Gruppeforsikringip pilertortumik pitsaasumillu napparsimasunik katsorsaanermut taamaattussaananeranut naleqqiullugu ajunngitsorsiassanut taarsiissutinullu annertunerusumik akiliuteqartariaqarneranik malitseqartitsisumik naliliinermi aammattaaq tamanna atuussinavaoq.

Nr. 3-mut

§ 17, oqaaseqatigiit aappaanni nutaatut oqaasertaliussassatut siunnersuummi naqitanngortittakkanik aqqissuussinermi allanguut pineqarpoq inuussutissarsiorsinnaajunnaanermik minnerpaamik 15%-mik annaasaqarnermut, napparsimasut ullormusiaannik pisartagaqarunnaanermik malitseqartitsisumut, taarsiissuteqarfigineqarnermik erseqqissaasussaq. Malittarisassani atuuttuni, napparsimasunut ullormusiatus tunniuttakkat inuussutissarsiorsinnaajunnaanermullu taarsiissuteqartarnerup akornanni sunniivigeqatigiinnerup qularnaarneqarnissaanik siunertaqarfiusuni,

aalajangersimasumik allannguuteqartitsinissaq anguniagaanngilaq, taamaalilluni napparsimasunut ullormusiat aningaasartai atorunnaarsinneqassallutik inuussutissarsiorsinnaajunnaarnermut taarsiissuteqarnermik taarserneqarpata taarserneqassappataluunniit. Taamaattumik inuussutissarsiorsinnaajunnaarnermut taarsiissuteqarfigineqarnissamik ajoqusersimasup pisinnaatitaannginnera pillugu aalajangiineq napparsimasunut ullormusiatigut tunniunneqartartut atorunnaarsinneqarnerannik kinguneqartitsissanngilaq. Taamaattorli napparsimasunut ullormusiat pinngitsooratik atorunnaarsinneqassapput ajoqusersimasooq sulisinnaassuseqarpat. Inuussutissarsiorsinnaajunnaarnermut taarsiissuteqartarneq pillugu piffissarititaasussanik aalajangiineq inatsimmi § 15, imm. 1-imi oqaaseqatigiit aappaannit pingajuannillu erserpoq imaalilluni aalajangersaasoq, tassalu § 21 tunngavigalugu inuussutissarsiorsinnaajunnaarnermut taarsiissuteqarnissaq pillugu aalajangiisoqassasoq kingusinnerpaamik ukiup ataatsip qaangiutinnginnerani ajutoornernut aamma inuussutissarsiorneq pissutigalugu nappaateqarnermut nalunaarsuummiittunut, tulleriinnerilu malillugu ukiut marluk qaangiutinnginneranni inuussutissarsiorneq pissutigalugu nappaatinut nalunaarsuummiittuunngitsunut. Piffissarititaasussat ullormit nalunaarutiginniffimmit aallarnertassapput. Ajoqusersimasooq piffissarititaasup naanerani sulisilluni ajoqusernerup malitseqartitsinera pissutigalugu napparsimasutut suli nalunaarsimasuutigineqarpat ajoqusersimasooq napparsimasunut ullormusianik pisartagaqarnissamut suli pisinnaatitaassaaq, inuussutissarsiorsinnaajunnaarnermut taarsiissuteqarfigineqarnissaq pillugu aalajangiisoqarsimangippat.

Nr. 4-mut

§ 43, imm. 1-imi oqaaseqatigiinnik siullernik allanngortitsinissaq pillugu aalajangersimasumik allanngortitsinissaq anguniagaanngilaq. Aalajangersagaq taamatut siunnersuuteqarnikkut inatsimmi atuuttumi § 43, imm. 2-mi aamma 3-mi imarisai assigissavai, tassami Ankestyrelsimit qinnuteqarnikkut nakorsanit katsorsarneqarnissamut il.il. innersuussut inatsimmi atuuttumi § 43, imm. 3-mi nassaassaasoq imm. 2-mut nuunneqarnissaa siunnersuutaammat. Tamatumunnga peqatigitillugu siunnersuutigineqarpoq imm. 3 nutaanik oqaasertaqalissasoq, tak. § 1, nr. 5-ip ataani siunnersuut.

Nr. 5-imut

§ 43, imm. 3-mi aalajangersagassatut siunnersuutigineqartoq nutaajuvoq. Ajoqusersimasut aaqqissuussamik pissutsinut Kalaallit Nunaanniittunut naleqqussakkamik pisariaqartitsinerata isumagineqarnissaa matumani siunertaavoq. Center for Arbejdsskaderip angalanernik najugaqartitsinernillu angalatitseqatigiiffinnit namminersortunit sillimasiinernik ingerlatseqatigiit il.il. akiligassaannik pisinissamut aalajangersagaq periarfissiivoq. Angalanissap silap qanoq inneranik allatulluunniit pissuteqartumik ingerlanneqarsinnaajunnaarneranik pisumi, aamma angalanissap piffissaagallartillugu taamaatinneqarsinnaanngippat sillimasiisarfik il.il. aningaasartuutitut akiliissaaq. Nalinginnaasumik oqaaseqaatini immikkoortoq 3.2 innersuussutigineqarpoq.

Nr. 6-imut

Naammagittaalliuuteqarnissamut piffissarititaasup illua'tungeriit tamaasa eqqarsaatigalugit sapaatit akunnerinut sisamanut aalajangersarneqarnissaa siunnersuutigineqarpoq, taamaattorli ajoqusersimasunut taakkualu qimataannut Europap avataani najugaqartunut qaammatinut

pingasunut, soorlu sulisilluni ajoqusersinnaanermut isumannaarineq pillugu inatsimmi taamaattoq.

Nr. 7-imut

Arbejdsskadestyrelsen direktøriata Namminersorlutik Oqartussanik isumaqatigiinniareernerup kingornatigut suliamik naammagittaalliuuteqarnermut tunngasumik suliarinninnissaq pillugu malittarisassanik tunniussaqaarnissaanut inatsisitigut tunngavigisassamik atuutilersitsisoqaarnissaa siunnersuutigineqarpoq. Matumani siunertaavoq malittarisassanik Kalaallit Nunaanni pissutsinut naleqquttunik ilusiliinissaq. Siunnersuut § 1, nr. 6-imi siunnersuummut attuumassuteqarpoq.

Nr. 8-mut

Siunnersuutigineqarpoq sulianik Naalagaaffiup Kalaallit Nunaanni sulisuminut najugaqarfeqartunut tunngasunik suliarinninneq akilertassagaa, Namminersorlutik Oqartussat Namminersorlutik Oqartussani sullissiveqarfinniluunniit Namminersorlutik Oqartussat ataaniittuni atorfeqartitat ajoqusernerannut akiliisassasut aamma kommunit namminneq aningaasarsiornerfik eqqarsaatigalugu sillimmasiisimannngitsut kommunimi atorfeqartitat ajoqusersimasut pillugit sulianut assinganik akiliisassasut, soorlu sulisilluni ajoqusersinnaanermut isumannaarineq pillugu inatsit tunngavigalugu taamaattoq. Nalinginnaasumik oqaaseqaatini immikkoortoq 3.4 innersuussutigineqarpoq.

§ 2-mut

Siunnersuutigineqarpoq inatsisit allannguutaat 1. januar 2016-mit atuutilersinneqassasut, allannguu-tillu ullormit atuutilerfimmiit alajangiinernut sunniuteqassasut.

Inatsisissatut siunnersuutip inatsimmut atuuttumut ataqatigiissinneqarnera

<i>Oqaasertaliussat atuuttut</i>	<i>Inatsisissatut siunnersuummi</i>
<p>§ 14. Sapinngisamik pitsaanerpaamik peqqissinissaq anguneqassappat, aningaasartuutillu peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata katsorsarneqarnermut sungiusarneqarnermulluunniit aningaasartuutit suliap suliarineqarnerata nalaani akilerneqarsinnaapput. Sungiusarneqarneq nakorsat nappaammik katsorsaanerannut malitsigitinneqartoq nakorsanit nakkutigineqartumik ingerlanneqassaaq.</p> <p><i>Imm. 2.</i> Nappaammik katsorsaanerup sungiusarneqarnerulluunniit kinguneqarluarnissaat, sulisilluni ajoqusernerup kingunerisaasa annikillisarinnissaat imaluunniit inuussutissarsiorsinnaanermik annaasaqarnerup qanoq annertutiginerata aammalu ataavartumik ajuuteqalernerup annertussusiata erseqqinnerusumik paasineqarnissaat qulakkeerniarlugit, aammalu aningaasartuutit peqqinnissaqarfiup tunniuttagai il.il. pillugit Inatsisartut peqqussutaat malillugu imaluunniit isumaginninnermut tunngasut pillugit Inatsisartut peqqussutaat malillugit akilerneqarsinnaanngippata timip ilaanut taarsiussatut sanaanut, isarussanut atortutigullu ikiorsiissutinut assigisaannut kiisalu issiavinnut assakaasulinnut aningaasartuutit suliap suliarineqarnerata nalaani akilerneqarsinnaapput.</p> <p style="text-align: center;">-----</p>	<p>1. § 14, imm. Iimaattunik oqaasertalerneqassaaq:</p> <p><i>Imm. 1.</i> Ajoqusersimasut katsorsarneqarnermut sungiusaqqinneqarnermullu suliap suliarineqarnerani imaluunniit inatsimmi § 47 tunngavigalugu suliap suliareqqilerneqarnerani aningaasartuutitut taarsiiffigineqarsinnaapput, katsorsarneqarnissaq sungiusaqqinneqarnissarlu pisariaqarpata sulisilluni ajoqusernerup kingunerisaanik sapinngisamik pitsaanerpaamik peqqissinissaq anguneqassappat. Inunnut Kalaallit Nunaanni napparsimalersinnaanermut qularnaarneqarsimannngitsunut taarsiissutit tunniunneqarsinnaanngillat inunnut Kalaallit Nunaanni napparsimalersinnaanermut qularnaarneqarsimasunut naleqqiullugu annertutiginnngitsunik. Sungiusaqqinneqarneq katsorsarneqarnermut siullertut ataneqartinneqarnerani nakorsanit nakkutigineqartumik suliariteqqinnertut pisassaaq.</p> <p><i>Imm. 2.</i> Ajoqusersimasut issiavinnik kaamisartakkanik, timip ilaanut taarsiussatut sanaanik, isarussanik inummullu iluaqutissanik allanik pissarsinermi aningaasartuutitut taarsiiffigineqarsinnaapput, katsorsarneqarnerup sungiusaqqinneqarnerulluunniit ajunngitsumik inernilerneqarnissaata pisariaqarneratut qularnaarneqassappat, sulisilluni ajoqusernerup kingunerisaasa millisinneqarnissaasa aamma ataavartumik ajoquteqalersinnaanerup minnerpaaffissaata anguneqarnissaa siunertaralugu imaluunniit aamma aningaasat peqqinnissaqarfiup tunniuttagai imaluunniit isumaginnittoqarfiup tunniuttagai pillugit malittarisassat atuuttut malillugit aningaasartuutit pisortat oqartussaasunit akilerneqarsinnaanngikkaangata.</p>

Imm. 5. Ajoqusersimasut imm. 1 malillugu Kalaallit Nunaanni imaluunniit Danmarmikimi napparsimmavinni namminersortuni aamma nakorsiartarfinni namminersortuni katsorsartinnermut aningaasartuutit akilertissinnaavaat, pisortanit tapiissutaasinnaasut ilanngaatigereerlugit, naatsorsuutigineqarpat ajoqusersimasoq pisortat napparsimmaviini nakorsiartarfiiniluunniit katsorsarneqarnissaminut utaqqissanngitsoq, akiliuteqarneq ataatsimut ullormusianut aamma angallassinermut uninnganermullu aningaasartuutitut sipaaruteqarnermut naleqqutsinneqarsinnaappat.

§ 17. Ullormusiaqarsinnaatitaaneq aallartissaaq sulisilluni ajoqusernerup kingorna ulloq naallugu sulinngitsoorfigisamit siullermit, unitsinneqassappullu ullormi ajoquserup sulisinnaalerfiani, suliartunngitsoornera peqqissinerminilluunniit nalunaaruteqanngitsoornera apeqqutaatinnagit. Taamaattorli ullormusianik piginnaatitaaneq atorunnaassaaq kingusinnerpaamik ulloq, § 21 malillugu Arbejdsskadestyrelsen inuutissarsiorsiummik annasaqarnermi taarsiissuteqartoqarnissaanik aalajangeereerneratigut sunniuteqarfia tikillugu.

§ 43...

Imm. 2. Ajoquseritoq nakorsamit katsorsarneqarnerminut il.il., tak. imm. 1, atatillugu angalanermut aningaasartuutitut akiliunneqarnissaminut pisinnaatitaavoq, nakorsamit katsorsarneqarneq il.il. Arbejdsskadestyrelsen piumasaqarnera malillugu pippat.

§ 43...

Imm. 3. Imm. 2 aamma atuuttassaaq paasissutissat imm. 1-imi taaneqartut

2. § 14, imm. 5-imi una: “aamma angallassinermut uninnganermullu aningaasartuutitut” imaalillugu: aamma taarsiissuteqarnermi aningaasartuutitut allanut, tak. § 10, nr. 2), 3) aamma 4)” allanngortinneqassaaq.

3. § 17, oqaaseqatigiit aappaat imaattunik oqaasertaqassaaq:

“Ajoqusersimasoq inuussutissarsiorsinnaajunnaarnermut taarsiiffigineqarpat, tak. § 21, ullormusiaqarsinnaatitaaneq atorunnaassaaq, taamaattorli kingusinnerpaamik ullormi taarsiiffigineqarnerup atuutilerfiani”.

4. § 43, imm. 2, oqaaseqatigiinni siullermit “Arbejdsskadestyrelsen” kingornatigut una ikkunneqassaaq: “imaluunniit Ankestyrelsen”.

5. § 43, imm. 3 imaattunik oqaasertaqassaaq:

Imm. 3. Arbejdsskadestyrelsen misissortinnermut katsorsartinnermullu atatillugu angalatitseqatigiit namminersortut angalanernik najugaqarnernillu aaqqissuussisinnavaa.”

6. § 49, imm. 2 imaattunik oqaasertaqassaaq:

<p>Ankestyrelsimit qinnutigineqarsimatillugit.</p> <p>§ 49... Imm. 2. Imm. 1 malillugu maalaaruteqarneq tunniunneqassaaq maalaaruteqartup, tak. imm. 1, nr. 2-4, aalajangiinerup tigoreernerata kingorna sap. ak. sisamat qaangiutsinnagit. Ajoqusersimasumut imaluunniit qimagaasunut piffissarititaasoq sap. ak. arfiniliupput. Ajoqusersimasoq imaluunniit qimagaasut Europap avataaniippata, piffissarititaasoq qaammatit pingasuupput.</p> <p>§ 49... <i>Imm. 8.</i> Sulisilluni ajoqusernermi isumannaarisinnaaneq pillugu inatsimmi § 44, imm. 9 naapertorlugu naammagittaalliuutinik suliarinninnermut aalajangersakkat atuutilersinneqarsimasut taamatulli atuupput inatsit manna naapertorlugu aalajangiinernut.</p> <p>§ 64... Imm. 1. Sillimmasiisarfiit sulisilluni ajoqusersinnaanermut sillimmasiiffiusartut aamma Arbejdsmarkedets Erhvervssygdomssikring, Arbejdsskadestyrelsen aamma Ankestyrelsen pissutsinik inatsimmi pineqartunik, pineqartunullu tunngassuteqartunik aqutsinerannut akiliuteqassapput. Akiliisarneq taakkuninngalu akiligassiisarneq pillugit maleruagassat suliffissaqartitsinermut ministerip aalajangersassavai.</p>	<p><i>Imm. 2.</i> Imm. 1 malillugu naammagittaalliuut aalajangiinerup naammagittaalliortumit tiguneqareernerata kingornatigut sapaatit akunneri sisamat qaangiutsinnagit tunniunneqarsimassaaq. Ajoqusersimasunut taakkualuunniit qimataannut Europap avataani najuqartunut sapaatit akunneri pingasut piffissarititaapput.</p> <p>7. § 49, imm. 8 imaattunik oqaasertaqassaaq: Arbejdsskadestyrelsen direktøriata Namminersorlutik Oqartussanik isumaqatigiinniareernerup kingornatigut inatsit una tunngavigalugu aalajangiinerit pillugit naammagittaalliuutinik suliarinninnermut malittarisassanik aalajangersaassaaq.</p> <p>8. § 64, imm. 1-imi oqaaseqatigiit siulliit kingornisigut oqaaseqatigiit uku ikkunneqassapput: “Tamanna aamma Naalagaaffimmut, Namminersorlutik Oqartussanut aamma kommuninut namminneq aningaasarsiornertik eqqarsaatigalugu sillimmasiinngitsoortunut atuuppoq, tak. Inatsimmi § 52, imm. 5.”</p> <p style="text-align: center;">§ 2</p> <p><i>Imm. 1.</i> Inatsisip atuutilerfissaraa ulloq 1. januar 2016.</p>
-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------